

það þarf engan að undra þetta því þessi mál brenna líklega heitast á hverri konu í hennar daglega lífi. Að mínu mati er það líka stór spurning hvort hægt sé að ætlast til fræðilegra umræðna um kvennakúgunina í nýliðahópum. Hvort tveggja er, að sú umræða er mjög skammt á veg komin hér á landi og lítið sem ekkert til þar að lútandi á prenti, og auk þess komum við flestar fyrst til starfa í kvenfrelsis-hreyfingu vegna þess að við reynum kúgunina á eigin kroppi og viljum ræða það og finna að við höfum sameiginlega reynslu. Hitt er svo annað mál, hvort ekki væri réttara að þær sem eru í nýliðahópnum skiptast á um að undirbúa sig fyrir fundina og væru sjálfar með innlegg. Það gæfi þeim kannski betri innsýn í kvennabaráttuna og gerði þær virkari í hópnum.

Nú er nýliðastarfið rúmlega hálfnað og hreyfingin verður að fara að velta því fyrir sér hvaða starf hún getur boðið þessum konum upp á að því loknu. Er ég ekki í nokkrum vafa um að hreyfingunni væri mikill fengur í því, ef við gætum virkjað þær í einhverju því starfi sem þær hafa áhuga á.

Sólrún

VUNDAHÓPUR FYRIR 8. MARS.

Eins og rauðsunnurinn var samþykkt á síðasta ársfjórðungsfundi að fyrsti ársfjórðungur þessa árs skyldi helgaður börnum. Fannst félögum það æskilegt að hamrað yrði á kjörum og aðbúnaði barna í íslensku auðvaldspjóðfélagi nú á barnaári, auk þess sem eitthvað nótuvægilgegn þessu grenjandi "barnavinum" íhaldsins þyrfti að koma frá Rsh. Var því settur á fót fundarhópur, sem skyldi sjá um samfelldu dagskrána 8. mars, og 8. mars helgaður þessu merka viðfangsefni.

Fundarhópur tók svo kröftuglega til starfa og sankaði að sér alls kyns heimildum. Hann ákvað í samræmi við ársfjórðungsfund að efni samfelldu dagskrárinnar yrði æviferill barns, allt frá fósturskeiði til unglingsára.

Í byrjun febrúar var 8.mars-hreyfingunni sent samstarfstilboð um sameiginlegar aðgerðir 8. mars. Við í fundarhóp vorum óhressar með því svari þetta tilboð var seint á ferðinni og vildum skiljanlega ekki að öll þessi vinna okkar rynni út í sandinn. Slíkt kæmi að sjálf-sögðu ekki til greina.

Á öðrum viðræðufundi við 8.mars-hreyfinguna lagði vundirrituð fyrir þær útgangspunkta okkar í fundarhópi. Þær tóku mjög vel í það að fjallað yrði um þetta efni. Hins vegar hafði borist út að þær hefðu hugsað sér að fjalla um efnið "Móðir, kona, mella". Spurði ég þær síðan að því hvort þær væru samþykkar því að fundarhópur Rsh. hefði upp í Ölfusborgir og legði þar drög að samfelldri dagskrá. Tóku

þær einnig mjög vel í það.

Eftir að fundarhópur Rsh. kom síðan heim úr Ölfusborgum var undirrituð í stöðugu símasambandi við eina úr fundarhópi þeirra og virtist hún aldrei vera andvíg því að fjallað yrði um þetta, eða hafa nokkuð út á það að selja. Töldum við því að þetta hefði verið samþykkt. 24. febrúar birtist síðan viðtal við undirritaða á jafnréttissíðu Þjóðviljans, þar sem kom fram að efni samfelldu dagskrárinnar væri ákveðið. Út frá þessu viðtali spunnust nokkur eftirmál. 8.mars-stúlkurnar sögðust aldrei hafa samþykkt þetta efni. Sama dag var síðan haldinn sameiginlegur fundur fundarhópa hreyfinganna tveggja. Gengu þar hnífarnir á milli, en rauðsokkar höfðu þó sitt í gegn.

Var ákveðið að tvær úr hvorum fundarhópi ynnu að endanlegri vinnslu dagskrárinnar. Samstarfið við þessar tvær var ljúft og bar ekki á neinum ágreiningi um þau mál, er Eikarar fullyrða að skilji á milli hreyfinganna, enda forðast að fara út í umræður um það. Verður það að teljast nokkur galli.

Eftir fundinn 11. mars var ráðist harkalega að Rsh. í Verkalyðsblaðinu með svívirðilegum málatilbúnaði sem var algerlega úr lausu lofti gripinn. Eftir svona viðbjóð er það stór spurning fyrir Rsh. hvort það sé þess virði að starfa aftur með 8.marshr. (Eik-ml). Við lögðum okkur mjög fram í samstarfinu við 8. marshr. vegna þess að við töldum það síst kvennabarátturni til hagsbóta að þessar tvær hreyfingar stæðu fyrir sitt hvorum fundinum þann 8. mars. Með þessu samstarfi hefur það hins vegar komið í ljós að litlu máli skiptir hversu vel það gengur, við eigum alltaf von á rýtingnum í bakið. Eik(ml) og forysta 8.marshr. vilja greinilega sundraða kvennahreyfingu því þeir leggja aðaláhersluna á að finna eitthvað sem aðskilur hreyfingarnar í þeim tilgangi að réttlæta tilveru 8. marshr. Rsh. hlýtur núna að taka það mjög til athugunar hvort rétt sé að hún starfi frekar með 8. marshr. og stuðli að því að auglýsa hana með því móti.

Margrét Rún.